

T2665/8615 (8)

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	40/9/-43	52/48/17	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

OFFICE - JAPANESE LEGATION IN
HAWAII - HONOLULU
AT HAWAII CITY
MAY 10 1941

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

卷之十九

武臣

武臣

楊嗣復前相使信之子以父任為殿直數有戰功
不獲至汴州嗣復使以左衛武軍大將軍致仕卒年
十一子承宣淳化二年嗣復保州有招徠其治狀
子二十敗契丹之衆於慶長除保州刺史召見時
以國祚使嗣言久與楊延昭聯事臣不遠延昭一
舉若其主言所未安願仍舊前宗如其廢遣並命為
國祚使嗣因情延昭告恩之

哈佛大學漢和
圖書館珍藏印

隆平集卷第十九

武臣

裔孫敏道國成華鈞校刊

楊嗣殿前指揮使信之子以父任為殿直數有戰功
累擢至深州團練使以左龍武軍大將軍致仕卒年
八十一子承憲淳化二年嗣知保州有詔褒其治狀
咸平三年敗契丹之衆於廉良除保州刺史召見特
授團練使嗣言久與楊延昭聯事臣不逮延昭一旦
驟居其上言所未安願仍舊真宗嘉其廉退並命為
團練使令嗣因持延昭誥與之

李溥始為三司小吏太宗論其財賦必召以問利害

頗納用之擢為左侍禁自是進至宮苑使團練使兩
以賊貶責授右千牛衛將軍致仕卒年八十四子居
簡文仲景德二年以溥制置江淮等路鹽茶礬稅兼
發運使江淮米運至京舊止二百五十萬至溥遂增
置六百餘萬石擢為發運副使高郵軍新開湖風濤
多覆舟溥課官舟還及泗州者載石積湖中成兩狹
岸其患遂絕正除發運使既又進為修玉清昭應宮
都監溥既又顯利權內侍丁謂為之助又林特為其
姻家故賊汚不法以及於罪

盧鑑字正臣金陵人淳化四年舉進士不中授三班
奉職積官至西上閣門使知秦州卒年七十子咸盛
初鑑鄜延路走馬承受就除本路駐泊都監屢擊走
繼遷焚族帳積聚而獲其畜產以數萬計繼遷聲言
石隕帳前有文曰天戒爾勿為中國患因人奏曰賊
偽為此以給朝廷宜益設備後果陷靈州鑑知儀州
喋者言繼遷將由制勝關入寇詔徙老幼芻粟于內
地鑑奏以為搖民心且民弱不可徙已而賊亦不
周美字之純靈州人陷棄其族間行詣京師隸軍籍
從駕幸澶淵自陳願假三數騎係契丹首領獻闕下
真宗壯之特常令入宿衛累以戰功遷天武都虞候

監兵延州元昊破金明美請于安撫使范仲淹曰金
明地當邊衝不可不早完之仲淹因屬美董其役既
而元昊兵數萬陣于延州城北美領衆二千決戰會
屯山北多設疑兵賊以為救至引去復攻艾蒿寨又
夜出戰多設炬張旗幟山上賊棄鎧甲牛馬而遁遂
募工築萬安城而還龐籍留之改東路都巡檢使又
敗賊於金陽城明年昊賊據永平寨諸將會議种世
衡欲直擣賊美為以賊料吾來必設伏不如間道出
其不意世衡不從果無功而美趣芙蓉谷大破之復
擊賊於野家店逐北至柘拔谷還屯永平寨勸士卒

墾田歲收六千斛築柵葱梅官道谷以搯賊路徙鄜
延路都監破賊於無定河乘勝焚金州帳殺首領
獲牛羊兵械甚多城龍口平寨以精兵數千來襲美
以百騎破其衆累擢至觀察使馬步軍副都指揮使
卒年七十六贈節度使謚忠毅自陝西用兵宿將數
不利獨美前後十數戰皆有功焚寨復城堡四十二
招種落內附十一族所得俸賜悉分士卒子利涉永
清永正

焦守節字秉節以父彰武軍節度使繼勳遺奏補殿
直累擢至四方館使榮州刺史以右神武大將軍致

陞平集卷之九
仕卒年七十六子宗說宗簡宗慶宗彝宗諒宗信初
高溪州蠻寇邊命守節往議攻取計以爲山川阻險
非大軍之利遂招撫之三司嘗奏守節監香藥摧易
院歲課增八十萬遷閤門副使直宗謂宰相曰以財
利羨餘遷橫行何以勸邊陲効命者止命以宮苑副
使兼通事舍人嘗使契丹館伴丁求說頗易之指遠
山曰此黃龍塘也應聲問曰燕然山距此幾許求說
慙乃加禮焉黃龍塘卽德元置晉少帝之所

閤守恭并州人繼元敗徙其民於大名府因家焉少
負販并汾間聞郭進被人主優遇慨然曰使進不遇

亦一行伍爾吾顧不能逮耶乃應募隸拱聖軍累以
戰功擢德州刺史并代路鈐轄卒年七十五子繼思
守恭旣仕官見士大夫必訪郭進平日所存以爲法
其慕之如此故馭軍嚴飭所得俸賜悉以散施雖居
家如對賓客

張綸字公信棣州人淳化中舉進士不中補奉職累
擢至乾州刺史知潁州卒年七十五子孝先紹先辰
州溪峒蠻寇邊以綸知辰州築蓬山驛路賊不得通
方遁去又修新興寨天禧五年爲江淮發運使增米
八十萬復置監場于杭秀海州增歲課百五十萬疏

五渠導太湖入于海復租米六十萬開長蘆西河以避覆舟之患築高郵北漕河隄二百里旁錮以巨石爲十闔以泄橫流又修復泰州捍海堰因命兼權知泰州堰城復逋戶三千六百州民爲立生祠

安俊字智周其先太原人以儒家子得給事資善堂仁宗卽位補殿直累擢至步軍都虞候陵州防禦使卒年六十四贈觀察使子介愈弁合俊歷邊任有威名戰功家藏書數千卷婚姻多擇士人嘗曰吾家集坐有文士過半平生足矣

王信字公亮太原人初應募潞州軍籍嘗生擒七十

賊以功補龍衛指揮使遷都虞候劉平石元孫三川之敗信獨以所部兵獲數千級知保安軍以二千兵級破西賊數萬衆爲高陽副都總管明鎬奏充恩州四面都總管破賊黨二百餘人鼓噪而出信悉捕戮之擢留後召爲步軍副都指揮使卒年六十一子繼恩信持重用兵未嘗沮劔

劉平字士衡開封人景德三年登進士第真宗愛其才將用之爲丁謂所惡以爲平將家子可委以邊事仁宗卽位章獻太后思謂言乃自侍御史換以衣庫使累擢至步軍都指揮使靜康軍留後鄜延路副都

總管兼鄜延環慶兩路同安撫使又兼管涇原路兵

馬餘見石元孫傳

石元孫字善長中書令守信之孫父保興官防禦使元孫以守信恩補供奉官累擢至邕州觀察使鄜延路副都總管兼安撫使寶元初元昊發兵攻保安軍自土門路入寇知延州范雍書召劉平元孫合軍趨土門既又有告賊兵數萬趨金明圍延州雍復召二師還軍救延州平督騎兵先發步卒繼進夜至三川口與賊營合騎兵先趨延州奪門誥朝步兵未至元孫等還逆之行二十里遇步兵及鄜延駐泊部

監內臣黃德和碎金谷巡檢万俟政郭遵所將兵皆至步騎萬餘結陣東行至三川口遇賊是日官軍殺賊鐵騎六七百人反蔽盾爲陣者八九百人平左耳右腮皆中流矢薄暮賊復以輕兵來戰官軍少却黃德和居陣後遂走保南山追之不止遣軍効以劔遮士卒得千餘人轉鬪三日夜衆寡不敵遂皆被執平不復食仍數罵賊遂遇害年六十八元孫不死及元昊納款乃得歸德和既遁輒誣平及元孫降賊朝廷以禁卒圍其家命殿中侍御史文彥博內臣梁致械詣河中府置獄遣知同州待制龐籍往訊焉具得其

狀延州吏民亦詣闕訴平等實戰歿遂釋二家惟戮
德和梟首延州城下賜平家信陵坊第一區贈平節
度使平妻南陽郡夫人子慶孫宜孫昌孫貽孫孝孫
季孫及三弟四孫咸贈賜官謂元孫已死亦贈節度
使子孫贈秩賜官者八人及歸言者請誅其辱國之
罪上特貸之安置全州還卒年七十二子宗道宗易
宗君宗亮宗廣宗求平剛直任俠善弓馬初知果州
南充縣以父喪解官還任安州道中遇賊十數以刃
臨之平引弓三矢斃三人餘遂遁去其帥郿延初上
攻守之策不為不知邊事特志平擊賊而自處以必

勝又衆因德和而潰遂至陷歿聞者傷之

王珪開封人初應募為親從官累以戰功擢至禮賓
副使涇州駐泊都監餘并耿桑事見任福傳

耿傳字公弼祖昭化以不屈於賊而死傳以蔭補累
官將作監丞知河南府永寧州知府宋綬薦其才除
通判儀州徙慶州

桑懌雍丘人舉進士不中移居汝穎間諸縣多盜自
請補耆長殺獲殆盡其鄰因之無盜京西轉運使表
其事授郟縣尉徙澠池而朝廷特改右班殿直積官
內殿崇班涇原路兵馬都監

任福開封人初補御士由諸班遷至刺史始擢邊任以功遷至賀州防禦使知慶州兼環慶路都副總管慶曆元年詔福往涇原路計議邊事適安撫使韓琦行邊趨涇州聞元昊閱兵折薑會謀入寇遂以兵萬八千人命福統諸將擊賊以耿傳叅軍事桑懌爲先鋒珪及涇原都監禮賓副使武英各以所部兵從福節制琦面授福及諸將方略裨併兵合勢自懷遠城趨德勝寨至羊牧隆城出賊之後諸寨相距僅四十里道近且易照應糧草足供如未可戰則據險設伏待其歸然後邀擊之福等就道琦又至城外重戒之

福自新瑗引輕騎數千趨懷遠城撩龍川遇鎮戎軍都同巡檢崇鼎列肅與賊戰于張家堡斬首數百級賊僞北桑懌以爲然遂引騎趨之福亦踵其後會合車屯好水川朱觀武英耿傳屯籠絡川相距五里謀者言賊兵少故福等輕之追奔三日芻糧不繼人馬飢乏至籠竿城北遇賊距羊牧隆城五里結陣以抗官軍諸將見其兵勢之衆方知墮賊計中勢不可留遂前接戰桑懌列肅先戰歿福繼之珪及武英而下皆陷焉獨朱觀保民垣四向縱射會暮獲免自主將叅軍至偏裨死者十數軍校又數倍之士卒踰六千

人福等貪功輕敵不能禦韓琦併兵合勢之言以至覆敗奏至上甚悼之贈福節度使兼侍中賜第一區三子一姪一孫贈秩咸賜官王珪贈觀察使三子賜官耿傳贈右諫議大夫五子賜官三人為京秩桑懌贈防禦使子湜惟思加等其餘褒贈有差福之子曰懷德懷譽懷謹姪懷玉孫惟恭珪之子曰光祖光世光嗣傳之子曰瓊瓌璋珽琬康定初元昊寇鎮戎軍珪將以三千騎為策先鋒自瓦亭至師子堡賊圍之數重珪奮擊多獲首級乘間叩鎮戎軍請益兵不許止絕糧與之士卒既飽珪語之曰兵法以寡擊衆必

在暮我兵少乘其暮氣之衰可得志也乃馳入賊一將以鎗直其背傷右臂珪左手以杵碎其腦一將復以鎗進珪挾其鎗運鐵鞭擊死之虜驚遂引去上聞特遣使獎諭以其下死傷多止賜名馬金絹仍暴其功以勵諸將珪以所得二鎗植山上及珪死邊人即其所為立廟焉珪通陰陽術數好水之戰自知其不得還將行謂其家人曰可速去無為虜所仇也及虜攻瓦亭果購其家人屬如珪之言珪所將兵止五千連鬪三日諸將俱歿珪望福陷賊猶欲援出之軍校顧望多不從珪斬以徇乃復入戰擊殺數百人鐵鞭

撓曲手掌破裂三易馬猶馳擊數百人矢中目還軍
 中卒武英嘗勸耿傳曰君非主兵者奈何欲與英俱
 死也朱觀亦戒傳少避銳鋒傳不荅於軍中指領自
 若求與英俱死或謂福之敗由傳督諸將稍急韓琦
 得傳為朱觀貽書戒以持重尹洙亦作閔忠辨誣二
 篇其謗遂息懌善用劍及鐵簡有智略謹畏常若不
 足所至寇盜衆所不能獲者必獲之其功賞推之居
 已上者或譏其好名歎曰若欲避名皆不可為也益
 自信

葛懷敏開封人感德軍節度使霸之子以霸陰補供

奉官其妻王德用之妹也懷敏通時事善希合故多
 薦其才者積官眉州防禦使涇原副都總管慶曆二
 年元昊寇鎮戎軍懷敏領養馬城會將聞賊兵徙壕
 外遂率諸將趨定川劉賀以蕃兵五千與賊戰不勝
 而潰懷敏入保定川寨曹英又敗於寨之東北隅懷
 敏所部人奔駭懷敏為衆所擁幾踐死與至甕城
 乃蘇賊遂聚火圍其城懷敏召諸將謀來日結陣赴
 鎮戎軍因諭其親軍聽中軍鼓乃得行及鳴鼓懷敏
 上馬大軍未動馭者勸未可上乃復上馬又不從
 拔劍將擊之士衆遂散乃東

長城壕賊周圍斷

其歸路與諸將皆遇害餘兵為賊所隔及保它寨堡
不赴者獲存賊遂長驅直抵渭州六七百里民受其
患初懷敏除鄜延而主帥范仲淹言其怯懦不知兵
遂徙涇原卒敗事如仲淹言定川奏至贈懷敏節度
使諡忠隱子宗晟宗壽宗禮宗師皆贈秩或賜官
郭恩開封人初隸諸班出為左侍禁累有戰功積官
崇儀使并代鈐轄管句麟府軍馬事初夏人歲侵屈
野河地至耕穫時輒屯兵河西以誘官軍經略使龐
籍戒邊將勿與戰月餘食盡去如是屢矣是歲正月
出屯三月始去并州通判司馬光行邊至河西日草

平數十里無虜跡時知麟府州武戡通判夏倚以築
一堡又與光議乘虜之去其不意別創二堡據其地
使不得耕功畢則廢橫戎臨塞二堡徙兵實新堡列
烽燧自衙門紅樓下視其地如指掌堡城三十里外
田虜必不敢耕矣籍從光議遂築二堡恩與武戡及
走馬承受內臣黃道元以巡邊為名往按視之諜者
言虜兵屯沙黍浪十五里不絕恩欲止道元怒以言
逼恩恩遂夜率步騎千四百人循屈野河北行見臥
牛峯舉火戡曰虜知吾輩出矣道元曰此若輩之為
也俄聞鼓聲亦不信比明遇賊自旦戰及食時虜四

方面合擊走東山趨城東掖門以入恩與道元皆陷賊恩死之贈觀察使子中言中彥中良中謹弟思並贈秩或賜官給恩舊俸三年

馬遂開封人初補散職為北京指揮使聞王則叛中夜叱咤晨興詣留守賈昌朝請與行陣命持榜招降則盛服見之與坐遂諭以禍福則不荅遂振其喉擊之流血賊徒驍捷卒石慶斷其一臂遂詬之曰妖賊吾恨不斬汝萬段即被害時張得一侍賊側上聞遂死而嗟惜之贈遂宮苑使五子並賜官得石慶付其子使剖心祭遂

景泰字周臣普州人天禧三年登進士第累官至都官員外郎知成州元昊反有薦泰知兵召到換左藏庫使知寧州泰通判慶州日嘗上章言元昊包藏禍心主將任福無長策凡三上不報及元昊寇鎮戎軍敗葛懷敏初入攻渭州泰率兵五千間道赴援戮先鋒殿直張向逗遛而行遇賊於彭城而依山為陣陰選三百騎為左右翼張旗幟為疑兵賊愕視不敢進而遁士卒請追擊泰止之搜山果得伏兵與戰斬首千餘級以功遷西上閣門使久之加忠州刺史秦鳳路都總管卒年五十八子思問思安思忠思立思誼

趙滋字子深開封人以父戰死補奉職累擢至端州
防禦使步軍都虞候卒年五十七滋嘗為涇原儀渭
州巡檢得勝寨主姚貴殺監押崔詢劫宣武神城騎
卒千數叛攻羊牧隆城滋領兵至餘人降獨貴走出
寨招討使命滋給賜降者及遷補將吏滋曰是誘其
亂也藏其檄不下招討使怒之功遂不及賞范仲淹
韓琦舉滋可將領滋在京東數獲盜不自言知青州
富弼言於上獲躡等遷官管勾河東經略司公事建
言代州寧化軍有地萬頃可募種田作教以戰射今
設塞從之其利甚博契丹人數乘小舟漁界河者

莫敢禁更造大舟十數運鹽海口滋捕殺之移文涿
州遂不復至後因虜使言朝廷乃擢使管軍故事邊
州米出外界不許過三斗滋知雄州契丹大飢滋曰
彼亦民也米出無所禁滋剛果有才特矜傲自譽人
多誚之

李緯字仲文以父廣東提點刑獄遺恩補借職累擢
至西上閣門使卒年七十贈引進使陵州團練使子
師中積中純中緯嘗知渭州請修籠竿城瓦亭寨及
以籠竿為德順軍范仲淹韓琦遂舉緯知德順軍招
蕃部內屬者數百帳葛懷敏既陷歿元昊因攻瓦亭

籠竿皆不能下雄州未有常平倉緯知州以賜公使
錢置焉及民飢遂獲均濟

范恪字許國開封人隸軍籍選行門歷龍旗直散員
押班試換內殿崇班積官至兩使留後卒年五十贈
節度使子愈愿摠愬愬愚應隱懿億恪驍勇善射臨
敵敢前初為慶州北路都巡檢預攻破白豹城兵還
賊襲其後恪設伏擊之殺獲甚衆嘗會諸道兵攻十
二盤暨咄當迷子寨中流矢神色自若至暮以言激
衆士卒爭奮遂得其城有弓勝二石一斛其箭鏃如
鐔臨陣必中聞有一矢貫二人者虜畏之從奮奮奮

寨歸恪殿後虜以數千騎來襲恪止有二鐔箭引灌
不發賊欲相及輒復避去終莫能近

張亢字公壽濮州人天禧二年登進士第以通判鎮
戎軍嘗上言元昊喜謀殺勢必枉制宜為邊備又論
西北攻守繼而契丹聚兵幽涿間遂擢如京使知安
肅軍因入奏言虜主孱而歲款方籍金帛之賜特懼
中國見伐而為此爾卒不敢動如亢言自是數歷西
北邊任積官至客省使眉州防禦使徐州總管卒年
六十三子杰黯焄烈儻寶元間夏賊破豐州圍府州
方解去屯瑠璃堡縱游騎擾邊廊府閉壘二年矣凡

受命爲并代都鈐轄麟府軍馬事至城下示以勅始
開關亢入命不復閉縱民庶出入時雖有禁卒數千
皆畏怯無鬪志亢乃募役卒取敢戰者得數百人使
擊賊首以首級獻者必厚賞之禁卒慙始請効死亢
度其可用遂命擊瑠璃堡而破之士氣益振明年詔
遣中使督亢護麟府郊賞物錢賊鈔略不得乃悉衆
邀其歸路亢以三千敗賊數萬衆旣而亢築建寧寨
度賊必至虎翼軍驍勇賊人所畏而萬勝軍疲怯所
常易之故更去兩軍旗幟賊果出爭亟趨萬勝而先
犯之知乃虎翼也虜大潰斬首二千餘級不敢復出

未踰月築成清寨百勝中候建寧鎮川百寨而麟府
之路始通亢得奏以所通特一徑請更增並邊諸柵
以安河外議未下徙知瀛州復除并代副總管御史
梁堅劾亢以庫金於成都市易奪官降爲鈐轄夏人
與北虜戰河外乃復副總管知代州范仲淹宜撫河
東因奏使亢就摠前議增築諸柵事經略使明鎬移
文止之亢不聽不閱時諸寨成遂自劾違鎬節制朝
延不問蕃漢歸者數千戶歲減戍卒萬人徙知瀛州
言城小而人衆請廣以東南關爲緩急備安撫使夏
竦惡其在陝西不附已遂沮止其後卒城之如亢議

徙渭州陝西轉運使奏亢擅減三司郊賞物估直會
竦入為樞密使遂奪亢防禦使御史宋禧又以市易
事言奪引進使又之陝西轉運使言亢市易非自入
始還將作監復防禦使遷客省使知環州坐與鄰守
會境上經夕降曹州鈐轄亢輕財好施不拘小節宴
賞過侈雖市易猶不能給然軍政嚴整所至有風力
蕃漢多圖其像瞻祀之仁宗嘗語侍臣曰夏人陷豐
州麟府之間震擾亢築堡寨以護民耕收築城以
包水泉又增大高陽城使民有以自保民思愛之不
忘宜特贈亢遂州觀察使

种世衡字仲平放元兄子也以放蔭授將作監主簿
累遷太子中舍通判鄜州建言築青澗城其左可致
河東粟其右可捍延安其北可圖銀夏詔從其議特
換內殿崇班知城事積官東染院使環慶路鈐轄卒
年六十一子詰諡詠詔記訴誼世衡在青澗城開
營田二千頃又募商賈貸以緡錢使通貸賄人爭歸
焉城初無水穿井百五十尺至石乃曰能屑石一畚
者酬百錢居數日及泉民甚賴之知環州蕃部有牛
家族奴訛者崛疆未出見郡官聞世衡至郡郊迎約
詰朝往勞其族晨興雪三尺左右曰地險不可行世

衡曰信不可失此至奴訛大驚率其族拜馬前因請
內屬凡邊民有過則使之射四發二中者釋其罪兩
辭疑而不決者亦因射中否而與決之境內之人因
多善射者臨邊數年積穀通貨撫養士卒能得死力
在環慶病告中得范仲淹檄與蔣偕同築細腰城力
疾奔命城成而卒羌酋相率朝夕臨之仍圖其像永
以瞻慕

劉滬字子濬保州人父文質仕連州刺史子十六人
渙滬有間滬以父任為奉職積官內殿崇班知水洛
城卒年四十八滬頗習書傳有智略韓琦范仲淹薦

其才武擢閤門祗候嘗為瓦亭寨監押權靜邊寨又
破穆寧生氏西南去略陽二百里中其城曰水洛川
平地上沃有水輪銀銅之利環城族帳多聚漢民之
逋逃者曹韓在泰州嘗經營久之未能得扈密使說
其城主鐸斯那令內附會四路招討使鄭戩行邊滬
遂召鐸斯那及戎落尊屬來獻結公水洛露羅甘地
乞冠帶為屬戶戩許之因令滬以兵往受地既而氏
情中變滬深入無援獨以千人擊潰氏兵數萬其酋
請服因盡驅隸麾下通秦渭路涇原帥尹洙檄令罷
役不從益增板趨役召之屢亦不至洙令狄青械滬

及董士廉付獄馘雖已罷四路而論奏不已朝廷遣
魚周詢程戡相視乃復以滄訖役而任以城事城旣
成猶坐違帥臣命降一官首發塲卒水洛居人留葬
而立廟城隅歲時祀之有碑紀其事今存焉朝廷從
蕃官等請嘗命其弟淳爲水洛城兵馬監押

張君平字士衡磁州人以父戰歿補三班差使黔州
指揮使寇邊君平領兵設伏奪寨斬首百餘級遷三
班奉職爲施州監押積官至作坊使卒子造遜達君
平有幹才明水利朝廷議河事必訪之守官汴口建
言請審擇口地歲省役渠工百餘方雖役不歲興而

不免堙塞之患又請沿河令佐植榆柳萬株者書爲
課又請以時䟽導宋陳宿亳蔡潁滑州溝洫與畿
內相接者以免水患令州縣官吏兼管勾溝洫河道
言皆施行

孟元字善長洛州人少隸禁兵以挽疆補殿侍累擢
至眉州防禦使卒年六十贈觀察使子防隨王則據
貝州叛元爲真定府路鈐轄領兵攻討破數十槍又
中飛石墜壕中旣出益銳更募敢死士田永濟渠宄
地以進賊平進右驍驍使御史中丞郭勸言賞未當
功擢普州刺史知滄州其民以鹽爲生歲歉商賈不

道
行元度軍食之餘以穀易鹽民賴以濟元雖出行伍
好讀書流輩鮮及

馬懷德字得之開封人父王東頭供奉官嘗自言懷
德可試武藝補奉職累擢至步軍副都指揮使留後
卒年五十六景祐二年懷德為延州東路巡檢數以
少擊衆徙青澗城監押入賊境焚二寨親射殺其酋
狗兒廂主文率蕃漢兵焚蕩賊海滿申州茶山五十
寨三百餘帳斬獲百餘級虜獲畜產萬計用范仲淹
韓琦舉為閣門祇候知延州龐籍奏東路巡檢使殄
黑神厥保等太寨又以兵數千敗賊四萬騎於僕射

谷徙鄜延路東巡檢都監破賊青化相班吃當三寨
殺虜其人物甚衆元昊納款與國子博士高良夫會
西人盡地果時用兵之乂人民流散懷德昭輯有方
經略使梁適奏請推其法諸路詔從之

許懷德字師古開封人以父任為東西班殿侍累擢
至寧遠軍節度使又歷保寧建雄兩鎮殿前都指揮
使卒年八十四贈侍中諡榮毅子士平士宗士端士
寧士勤士臻士演士先士温初懷德為鄜延路副總
管賊以三萬騎圍永平寨止率勤兵千餘人突圍破
之賊隨出陣前據鞍慢罵者懷德引弓射之應弦而

斃未幾賊攻延州懷德領兵間道出其不意左右奮
擊賊遂解去其後以不赴援而入賊及理財產三被
降徙慶曆間遂入總禁旅曲司宿衛凡十四年以老
乞身上未之許後復自言恐為御史所彈不得善罷
上特詔有司為減歲數懷德雖老習軍旅之事然戰
功所可見者一二而故事節度使移鎮加恩皆再表
辭翰林學士歐陽修以為慢朝廷詔以修章示懷德
雖竦息謝罪而終亦不復別進表上亦不加責

平集卷第十九

隆平集卷第二十

夷狄

齊孫毓定國成華鈞校刊

契丹耶律隆猪年十二嗣其父明記位明記偽號景
宗初名述律德光之子也唐初契丹八十餘年未嘗
寇邊通天時李盡忠始陷營州明年總管楊元基以
奚軍攻潰其衆至開元十一年

可突于奉盡忠之弟邵固統衆詔許襲王方是之時
猶稟命中國如此梁正明間耶律阿保機始建元神
策遂以五十萬衆從晉叛將盧文進寇幽州龍德初
復入為鎮州張文禮之援明年晉王大破之於新城

而獲阿保機之子自是繼爲邊患及阿保機死子德光繼立晉祖因其兵勢而得天下故兼臣禮而父事之割地以爲壽輸帛以爲貢未更一紀之久已貽開運之禍其後劉崇崛彊於太原爲計亦出于此有以益其驕僭也德光滅晉而歸死於鎮陽之殺胡林其兄之子永康王元欲自立爲天授皇帝囚其祖母述律氏於木葉山述律氏阿保機之妻也元欲五年爲其族述軋所殺述律討其亂因自立爲天順皇帝更名爲之明記太平興國末明記死其妻專國事雍熙間曹彬北伐失利於岐溝隆緒數內寇者謀皆出於

母氏也咸平二年舉國而來范廷召大破其衆斬首萬餘級雖遁而未懲故景德初復大舉戎馬及於澶魏之郊真宗大駕再莅河朔甫次衛南而虜之謀將撻覽已斃于我師之強弩謀窮勢蹙始因王繼忠之表請修好息兵天聖末隆緒死宗真立宗真隆緒之第八子也母曰順聖元妃隆緒遺命以正室齊天皇后太后爲元妃蕭氏爲太妃太妃殺齊天而自立爲太后多殺戮功臣而專用其兄弟御宗真甚嚴宗真不能堪景祐初遂率兵逐其母使守隆緒塚其國人

距常十餘里蓋懼其或相害爾慶曆二年開元吳叛
遣蕭英劉六符來請石晉所割瓦橋關十縣詔富弼
張茂實往報焉歲復增銀絹二十萬皇祐元年遣使
來告伐元昊明年來告捷至和初又齎其畫像來欲
求御容未及往而宗真死其子洪基立宗真廟號興
宗在位凡二十五年嘗與教坊使王稅輕十數人結
為兄弟出入其家或拜其父母嘗夜宴與劉四端兄
弟及王剛等數十人入樂隊命后妃易衣為女冠后
父蕭磨只言漢官皆在此后妃入戲非所宜也宗真
擊碎后父首曰我尚為之若女何人也間嘗變服入

酒肆寺觀如王剛姚景熙輩常遇於微行中皆顯官
宗真敬佛教僧正拜三公三師兼政事令者二十人
左右所親信多擢為將相契丹國境自幽州東行五
百五十里至平州又五十里至古遼城謂之東京北
六百里至烏菴國東南接高麗北至至女貞東踰鴨
江卽新羅也

夏國趙保吉姓拓拔其遠祖仁福者思恭之族也唐
僖宗始以思恭為夏州節度使賜國姓思恭族亂仁
福繼之故亦稱李氏仁福死子彝超與相繼為定難
軍節度使彝超而上五代史有傳彝興死

興本與太祖廟諱下

一字同故
改曰興

子光叡繼光叡死子繼筠襲繼筠死弟繼

俸襲位其從父緩州刺史克文言繼俸不當襲請遣使與偕至夏州諭令入覲繼俸乃舉族歸朝其弟繼遷在銀州太宗賜以國姓俾隸屬籍又賜繼俸名曰保忠繼遷名曰保吉為夏州節度使歸鎮初保忠之來覲也保吉言乳母死出葬郊外匿兵器葬車中遁入蕃族收部曲散亡者劫西羗種落為邊患雖賜姓名而侵擾夷落不已保忠歸又潛與表裏遂往依之保吉不納復還夏州牙校已據其城保忠不得入及王師進討俘保忠以歸故保吉因并夏州之地直曰

卽位始遣使修貢朝廷遂以保吉為夏州節度使未幾乃攻陷清遠軍及靈州景德元年劫西蕃至西涼府潘羅支詐降保吉受之羅支合六谷蕃部擊之保吉中流矢死其子阿移襲更名曰德明而遣使請命于朝廷明年奉表歸款請市青鹽不允乃閤馬謀內寇時秦翰曹瑋請進兵討擊上以其人嘗有歸款不許遂以向敏中知延州全撫納之敏中請召其子弟宿衛德明不從上止誓書并錄保吉遺言以聞真宗念邊兵久戍乃授德明定難軍節度使加西平王又請行青鹽不允遂出大里河築柵蒼耳平八年築堡

西州濁輪谷建權場以誘致商旅詔沿邊禁止自是
間擾邊境攻陷甘州和西涼府天聖中德明卒子昊
立元昊既長德明數語之曰國中三十年不披皮毛
而衣錦綺之衣汝無負天子也吾嘗從事於兵雖苦
勞萬狀第自困爾及死贈太師尚書令德明娶米母
氏生元昊咩朱氏生魂成元昊以五月五日生小名
崖塊羌謂惜為崖謂富貴為塊性凶悍多猜忌曉浮
圖法通漢文字凡案間常致律法書自為蕃書十二
卷文類符篆建蕃學使蕃官子弟習之襲德明官為
定難軍節度使檢校太師兼侍中封西平王天聖十

年改元明道元昊避其父名止稱顯道景祐元年遂
僭改元開運入寇環慶殺略居民詔約束之米母氏
族人山喜謀殺元昊事覺醜殺其母沉山喜之族于
河自是攻略諸羌屢為邊患其從父山遇知元昊有
反計勸止不從山遇懼挈族來歸知延州郭勸乃執
以還元昊至則殺之是歲僭帝號國稱大夏改元天
授明年遣佗來告詔削奪官爵除屬籍既而為慢書
留旌節勅告於歸娘族而去康定元年寇金明執監
押李士彬而劉平石元孫陷於三川口慶曆元年任
福戰歿於好水川明年復戰定川寨葛懷敏死焉未

至定川嘗遣李文貴欲納欵知延州龐籍意其詐留未遣復數月果入寇籍召責其使而釋遣之文貴去月餘復來籍視其書未去僭號卻之俾自請明年上書史名曩宵稱男不稱臣籍又拒焉詔遣卻良佐張士元等更往議之而曩宵之使繼至四年冊爲夏國主令稱臣稟正朔改所賜勅書詔而不名聽自置官屬遣使至京許就驛貨易宴坐朶殿朝廷使至其國用賓客禮歲賜銀絹綵共二十五萬五千於是始歲修貢曩宵用兵多詭計左右用事之臣有疑必誅先世居室衣冠七字莫不改革其文人服靴笏幘頭武

臣金帖鏤冠衣緋衣金塗銀黑束帶佩蹠躡穿靴余皆秃髮耳重環衣紫旋襪六垂束帶佩解錐刀弓矢垂鯢皮鞋馬帶纓議事卽率諸酋適野籍草而坐其俗舊止重冬至自曩宵僭竊乃更以四孟朔及其生辰相慶賀曩宵七娶其五曰野利氏身頗長有智謀曩宵畏之戴金起雲冠使它無得冠者生三子獨寧令哥存僭稱太子又納沒咿女營天都山居之野利氏之叔遇乞有言而曩宵殺遇乞得遇乞之妻生諒祚慶曆七年寧令哥弒曩宵不死傷其鼻而去匿黃蘆爲訛死所殺曩宵因鼻傷卒年四十六子諒祚襲

自仁福止繼筠世居夏州及保吉變柞跋扈外侵西
羌種族內竊靈綏銀看至德明攻陷甘州拔西涼府
其地東西二十五驛南北十驛自河以東北十有二
驛而達契丹之境至曩霄破瓜沙肅州遂盡得河西
之地在德明時兵十餘萬而已曩霄之兵踰十五萬
自謂地廣兵勁敢行僭叛然而不通互市歲賜仍絕
六七年間亦已困弊不如是其寇攘之患固未易息
也西北少五穀軍興糧饋止於大麥菽豆青麻子之
類其民則春食鼓子蔓醜蓬子夏食菘菘苗小蕪蕪
秋食席鷄子地黃葉登廂草冬則畜沙葱野韭拒霜

灰蓼子白蒿醜松子以爲歲計其人能寒暑飢渴長
於騎射而不能捨力出戰用隻日避晦日齋糧不過
一旬弓弩用柳榦皮弦雨雪則不能施兵行晝揚沙
夜舉火以爲斥埃將出兵先命四人用艾灼羊夾面
骨以求兆謂之灸勃焦二擗斫于地若揲著以求數
謂之擗筭三夜以羊焚香呪之又燒穀火撒之靜處
晨屠羊視其腸胃通通則兵無阻心有血則敗又以
矢擊弓弦而聽其聲以敵至之期及兵之勝負民居
皆立屋有官爵者始得覆之以瓦其部族一家號一
帳男年十五以上爲丁有二字丁者取正軍一人負

檐一人爲一抄負擔者隨車雜使也四丁爲兩抄餘號空丁願隸正軍者得射它丁爲負擔無則許射正軍之疲弱者爲之故壯者皆戰鬪而得軍爲多欲西用兵則自東點集而西欲東則自西點集而東年六十以下五十以上皆自備介冑弓矢以行好立虛寨多設伏兵馬軍用鈎索校聯雖死馬上不落凡正軍給長生馬馳各一死則償之每入寇必先犒飲山訛者橫山羗也其主將皆陣後立馬督戰得國中入無藝者使耕于河外或守肅州城驍勇則刺爲軍蕃族有和斷官擇氣直舌辨者爲之以聽訟之曲直殺人

者納命價百二十千俗喜復仇然有凶喪者未復負甲葉以爲記不能復者集隣族婦人烹牛羊具酒食介而趨仇家縱火焚之其經女兵者家不昌故深惡

焉

俗謂婦人爲麻魁

唃廝囉初名欺南陵溫錢通牛磨榆國蓋吐蕃贊普之苗裔同也羗西部族未有服屬大姓聳昌廝均等咸平中迎至河州欲立文法請更其名曰唃廝囉河州人謂佛爲唃謂兒子爲廝囉於是宗哥僧李立遵與邈川溫逋竒略廝囉州立文法部秩稍歸之因徙居宗哥城以立遵爲輔大中祥符末廝囉命立遵率

衆十八萬襲秦州生熟戶知秦州曹瑋以兵擊之趨走西京府又爲所敗遂與立遵不協徙居邈川更以逋竒爲輔遣使秦州求內屬詔授嘶囉邈川首領寧遠大將軍愛州團練使以逋竒爲歸化將軍後逋竒謀亂嘶囉殺之而改莅青唐景祐中授兩使留後久之朝廷以元昊不臣遣屯田員外郎劉渙諭嘶囉攻元昊適元昊大舉兵襲嘶囉堅壁鄯州不與戰元昊度水嘗植幟以誌深淺嘶囉潛使移所植及元昊衆潰趨誌處溺死過半自是數以計敗元昊及元昊取西京府而嘶囉得所鐸叔之衆十餘萬回訖亦以數

萬人歸焉其勢遂強於諸羌朝廷屢加以節命爲保順河西鎮節度使洮涼兩州刺史卒年六十九嘶囉三子皆被恩命曰昫羶居合龍谷曰磨羶角居宗哥城曰董羶爲嘶囉嗣其母喬氏獨居曆精城有才色所部六七萬人號令明莫不畏服

交州李公蘊始爲本州大校節度使黎至忠苛虐公蘊常陰替之故特見親信因令冒姓黎氏大中祥符三年至忠卒有子總十歲而其弟明提昶爭立公蘊遂殺之自稱留後遣使請命真宗曰始黎相劫丁璿自立公蘊復爾蠻夷奚責焉遂授靜海軍節度使安

南都護交趾郡王大中祥符七年因捕狄獠寇如洪寨詔轉運司追所略生口因飭戒之天聖中又令其子弟率衆入寇詔發峒丁計捕未幾卒子德政自稱留後來告哀天聖六年除檢校太尉靜海軍節度使安南都護交趾郡王景祐三年寇邕州之恩陵等州及諸峒略牛馬焚軍廬而去詔責問令捕酋領正其罪寶元初進南平王皇祐間以兵二萬助平儂智高詔却其兵而優賜焉久之卒子曰尊

妖寇

蜀賊王小波李順皆青城縣人淳化三年聚衆爲亂

先陷青城縣四年劫彭山縣令齊元振金帛元振率衆拒之逐元振賊勢漸盛都巡檢使張玘戰歿於江源二月攻陷成都知府郭載奔東川小波因與張玘戰傷病卒衆推其妻弟李順爲帥旣得攻彭漢州成都府順乃僭號建元應運朝廷遣內臣王繼恩同韓守英馬知節石普率師平蜀五年五月破賊擒順獻首餘黨招捕無遺蜀士富饒自乾德間孟昶旣降府庫充溢重貨銅布由舟運下三峽輕貨設傳置以四十兵隸爲一綱號曰進綱水陸兼運十餘年始悉歸內庫時守臣務利入之厚常賦外更爲博買務禁民

私市物帛而兼并者釋賤販貴小民貧失家田業故
小波以言動衆曰吾疾貧富不均吾與汝均之貧民
由是附之者衆又朝廷嘗命張樞使蜀樞奏官劾吏
不法者百數獨舉彭山縣令齊元振清白彊幹降璽
書獎諭元振素貪暴因是益橫受財得金帛多寄民
家小波知民怨苦之遂散其金帛殺而剖其腹實以
錢刀用快其意是時樞知滎州賊攻州卽以郡印及
所受告勅降賊受其僞命爲滎州刺史王繼恩以聞
太宗斬于州市而磔其尸

軍賊王均神衛指揮都虞候益州駐劄咸平三年神

衛卒趙延順以衆怨鈐轄符昭壽多用親隨僕言榜
箠軍人因馬逸喧擾中殺昭壽及僕均率衆擒延順
及其黨不能獲乃同劫均爲帥知州牛冕出漢州均
遂僭號建元化順自正月叛奏至以雷有終知益州
命內臣秦翰同團練使石普上官正率兵征討九月
均敗竄石普秦翰楊懷忠追斬於富順監梟首州市
軍賊陳進宜州澄海軍校景德四年因衆怨知宜州
劉永規苛役殺永規及監押國鈞據城叛劫判官盧
成均爲帥詔東上閣門使曹利用安撫廣南路率兵
進討九月遇賊於象州仙縣擊敗襲至象州斬陳進

及其黨而盧成均挈家屬以降時象州城守四十日
矣擢知州大理寺丞何邴祠部員外郎三子皆賜出
身以守城功也

區希範環州人嘗舉進士試禮部景祐五年應募討
安化州蠻詣登聞鼓院進狀求錄用下宜州勘會知
州馮伸已言其妄邀功賞遂送全州編管既而遁歸
與其族百餘人謀舉兵殺伸已以叛乃殺牛建壇場
祭天神推白崖山酋蒙趕為帝叔區正辭為奉天開
基建國桂王而自為神武定國令公桂牧皆北嚮再
拜以為天命又以區丕績為宰相區志珍為都統使

崔盈為節度使區世庸為飛天神聖將軍蒙懷為百
勝將軍譚護為突陣將軍甘徹為龍路將軍吳程為
蜂毒將軍廖陳為遊奕將軍蒙樛為雷行將軍共偽
補三十餘人聚衆二千餘人慶曆四年攻陷環州得
其印遂以環州為武成軍繼破帶溪普義寨下鎮寧
州等處宜州捉賊李德用出韓婆嶺擊破之獲其偽
將崔盈護二人希範遂入保荔支峒間出拒官軍
明年詔京西轉運使社祀加直集賢院為廣西轉運
使兼安撫事祀至宜州得州人吳香獄囚區世宏及
攝官區曄進士曹子華往說諭之又率兵破白崖黃

泥九居山寺寨及其五峒斬首千餘級復環州焚其積娶蒙趕等大恐率其徒隨香出降杞犒以牛酒六百餘人始與盟置蔓陀羅花酒中既昏醉悉殺之後三日得希範及區丕績等十數人割希範腹績其五藏爲圖而醢以賜諸溪峒餘悉就戮

軍賊王則涿州人因歲儉流移至貝州應募宣毅軍爲十將初去其鄉母與之訣刺福字背上以爲記異貝間多妖術則習之欲爲亂遂給衆言背自然隱起一福字衆惑而敬事之州吏張鸞卜吉者爲之主謀慶曆七年冬至郡官赴朝拜遂率其徒劫庫兵以叛

執知州張得一囚于獄囚悉縱去通判董元亨不與軍帑鑰首被殺司理叅軍王獎爲獄囚所害監兵田斌鬪不勝而出提點刑獄田京任黃裳持印葉家屬縋城而去獨得一俛首事之獲存餘悉死焉則僭稱東平郡王張鸞爲宰相卜吉爲樞密使建元德勝旗幟皆爲佛字期遣人要虜使而安撫使賈昌朝謀知命殿侍安素伏兵西門夜俟其徒出盡得其首級詔遣叅知政事文彥博知開封府明鎬爲河北宣撫使副以平其亂官軍卽城南爲地道因日攻其北以牽制之地道成而兵入則始開東門遁爲總管王信所

獲檻送闕下封戮都市自反及敗凡六十六日餘衆捕殺無遺其妖書有滴淚經五龍經

廣源州蠻寇儂智高蠻商之子其母阿儂左江武勒之族轉至交趾適儻猶州知州儂全福子全福為交趾所虜阿儂改適蠻商生智高智高長遂殺其父阿儂又為特磨道儂夏卿之妻皇祐四年智高聚衆入寇初陷邕州遂僭號稱其母阿儂為皇太后阿儂凶悍有謀嗜小兒肉問以其庖食智高不其計遂自邕女橫貴龔封藤梧端康州所至驅劫軍民衆至數萬乃進圍廣州朝廷先命楊旼曹修為廣南安撫使經

制蠻事又繼以孫沔余靖任安撫使久未奏功遂除樞密副使狄青為宣徽南院使宣撫湖北路經制廣南賊盜事書至合孫沔余靖三將兵大破其衆於歸仁鋪智高夜焚邕州城奔大理國其母阿儂潛歸特磨道衣其夫儂夏卿收殘衆得三千餘人復將入寇石鑑世居邕州諜知其動息遣峒丁入特磨道掩襲擒阿儂及智高二子繼宗繼封弟智光並檻送闕下阿儂年六十朝廷始欲存之以俟智高之降及智高已為大理國所殺故悉封戮都市



